

魚

龍

！

十
二
三
四

魚

經

黃省曾 著

中
華
書
局

魚
經

此據夷門廣牘本
影印初編各叢書
僅有此本

魚經目錄

一之種

二之法

三之江海諸品

魚經目錄終

魚經

吳郡五嶽黃省曾勉之著

嘉禾梅墟周履靖逸之校

一之種

古法俱求懷子鯉魚納之池中俾自涵育所以
養鯉者鯉不相食易長又貴也或在取近江湖
數澤陂泖水際之土十數舟布底則二年之內
土中自有大魚宿子得水卽生也

今之俗惟購魚秧其秧也漁人泛大江乘潮而

布網取之者初也如針鋒然乃飼之以雞鴨之卵黃或大麥之麩屑或炒大豆之末稍大則鬻魚池養之家閩錄云仲春取子于江曰魚苗畜于小池稍長入葦塘曰葦鱸可尺許徙之廣池飼以草九月乃取

有難長之秧曰魴艘其首黃色曰螺師青以其食螺師故也故名爾雅翼曰鱒魚食螺蚌是也其口尖暮年而鼻竅始通不得通則死長至尺許乃易大

惟鯪魚爲良其口闊而盆首似鯉而身圓謂之草魚食草而易長爾雅翼曰鯪魚食草

白鯪乃魚之貴者白露左右始可納之池中或前一月或後一月皆不育漁人攜于舟若煎炙油氣觸之則目皆瞎京口錄云巨首細鱗池塘中多蓄之

鯪魚松之人于潮泥地鑿池仲春潮水中捕盈寸者養之秋而盈尺腹背皆腴爲池魚之最是食泥與百藥無忌京口錄云頭扁而骨軟閩志

云目赤而身圓口小而鱗黑吳王論魚以鰻爲上也其魚至冬能牽被而自蓋

二之法

凡鑿池養魚必以二有三善焉可以蓄水鬻時可去大而存小可以解汎

此池汎可入彼池

不可以漚麻一日卽汎

魚遭鵠糞則汎以園糞解之

魚之自糞多而反復食之則汎亦以園糞解之池不宜太深深則水寒而難長

魚食雞鴨卵之黃則中寒而不予故魚秧皆不予

魚之行遊晝夜不息有洲島環轉則易長

池之傍樹以芭蕉則露滴而可以解泥樹棟木則落子池中可以飽魚樹葡萄架于上可以免鳥糞種芙蓉岸周可以辟水獺

魚食楊花則病亦以糞解之食蟋蟀與嫩草食稗子

池之正浚宜特深魚必聚焉則三面有日而

易長飼之草亦宜 方一日而兩番須有定時
魚小時草必細飼至冬則不食

凡魚嘯子必沿水痕雖乾涸十年遇水卽生其
長甚易其嘯子也以五月鯉魚以五月下惟銀
魚鱸殘魚嘯子于冰冰解三日乃生也

飼魚之草不可撩水草恐有黑魚鮎魚等子在
草上是能食魚黑魚者鱧魚也夜則仰首而戴
斗鮎魚者鰱魚也卽鯉魚也大首方口背青黑
而無鱗是多涎池中不可着碱水石灰能令魚

汎

陶朱公曰以六畝地爲池池中有九洲則週遶無窮自謂江湖也求懷子鯉魚三尺者二十頭牡鯉魚三尺者四頭以二月上庚日納池中令水無聲魚必生至四月納一神守六月納二神守八月納三神守神守者鼈也內之則魚不飛去至來年二月可得一尺者一萬五千三尺者四萬五千二尺者萬枚直五千可得榆莢者一百二十五萬又明年一尺者十萬二尺者五萬

三尺者五萬四尺者四萬留二尺者二千爲種
餘可得榆莢五百一十五萬候至明年不可勝
計也九洲八谷谷上立水二尺谷中立水六尺
凡池之鰓相傳一夜生七子太密則魚皆鬱死
必去其半乃佳

三之江海諸品

江海之產有鰓鯉之魚其長丈餘臯端有肉骨
四分身之一兩頰之肉謂之鹿頭可以爲鮓京
口錄云是兩種鰓肉之色白鯉肉之色黃廣州

謂之鱣龍之魚云類龍而無角

有鱣魚惟松江者四腮也巨口而細鱗非江海之產則二腮矣金谷園記曰秋仲由海而入江可以作鱠京口錄云有二種曰脆鱣曰爛鱣閩志曰身有黑文

有鱣魚腹下之骨如鋸可勒故名出與石首同時海人以冰養之而鬻于諸郡謂之冰鮮有鰠魚身廣而頭銳細鱗而軟骨出于海

有石首之魚其色如金俗名黃魚棟花而來秋

而化鳧炙轂子曰石首鰈也首有小石故名海族志云其初出水也龍鳴夜視則有光鹽晒爲鱖則曰白鰲閩人謂之金鱗又謂之黃瓜

有白魚避暑錄云太湖之白魚冠天下梅後十有五日入時于時白魚最盛謂之時裏白

有鰮魚縮項穹脊而細鱗博腹其味腴其色青白卽魴魚也古稱漢水槎頭之鰮吳之太湖亦甚佳矣

有銀魚其形纖細明瑩如銀太湖之人多鱖以

鬻焉長者不過三寸

有鱠魚盛于四月鱗白如銀其味甘腴多骨而速腐廣州謂之三鰲之魚閩志曰大者長數尺春末有之

有鱠殘之魚狀如銀魚而大冬月帶子者謂之挨冰嘯

有鰲魚狹薄而首大長者盈尺其形如刀俗呼爲刀鱣初春而出于湖爾雅曰鰲鱣刀注今之鰲魚也亦呼爲刀魚說文云鰲飲而不食魴魚

也

有鮓子魚其生也帶子

有鰕魚巨口而細鱗肉味鮮美背黑有斑本草
云昔仙人劉憑常食石桂魚今此魚鄉之人猶
有桂之呼焉其殆是歟

有鯽魚卽鮓魚也此魚旅行鯽者相卽鮓者相
附也至冬而味美

有鰕虎之魚類土附而腮紅若虎善食蝦俗謂
之新嬾之魚

有土附之魚似黑鯉而短小附土而行不似它
魚浮水故名京江錄首大而身小謂之吐鰕
有鰕魚其色黃又謂之黃鰕

有針口之魚首戴針芒身長五六寸土人多取
爲鱖

有河豚之魚出于江海有大毒能殺人無鰓無
鱗與口目能開闔能作聲是鱗中之毒品也凡
烹調也腹之子目之精脊之血必盡棄之洎二
皮肉肝之有斑眼之赤肝之獨包鉗之一異俱